




Programa

INICIATIVA



#



Impulsando o talento xove
desde o comezo!



XUNTA
DE GALICIA

INICIATIVA



2025

Programa

A Consellería de Cultura, Lingua e Xuventude, a través da Dirección Xeral de Xuventude, presenta o programa de axudas enmarcadas no programa **Iniciativa Xove**, cuxa orde de convocatoria publícase no *Diario Oficial de Galicia* do 6 de maio de 2025.

A finalidade destas subvencións é fomentar e consolidar a participación libre e eficaz das persoas novas no desenvolvemento político, social, económico e cultural, así como promover a adecuada utilización do lecer, a calidade de vida e o seu benestar a través de proxectos integrais e específicos de actuación nas áreas establecidas no artigo 2 da orde.

NOVIDADES 2025

POLOS DE EMPRENDIMIENTO



Daráselle unha **especial valoración aos proxectos que teñan unha vocación de permanencia no tempo** de cara a favorecer a **empregabilidade**, o **emprendemento**, e o **cooperativismo**. Facilitarase a **comunicación** das **persoas beneficiarias**, particularmente dos grupos informais, cos **Polos de emprendemento** co obxectivo de obter o apoio e asesoramento necesarios para que os seus proxectos vinculados ao territorio poidan consolidarse.

PREMIOS INICIATIVA XOVE



Premios iniciativa xove: **outorgarase un galardón conmemorativo do programa, en forma de recoñecemento público, aos tres proxectos que acaden as maiores puntuacións**, tanto por parte das entidades coma dos grupos informais.

NOVAS ÁREAS DE ACTUACIÓN



Incorpóranse **novas áreas de actuación** sobre as que poden versar os proxectos:



Transmisión e posta en valor dos **oficios tradicionais galegos** entre a mocidade.



Promoción do benestar emocional e coidado da **saúde mental** das persoas mozas.



PERSOAS BENEFICIARIAS

a As **asociacións xuvenís**, as **entidades prestadoras de servizos á xuventude** e as súas **respectivas federacións**, sempre que, no caso destas últimas, o proxecto que presenten sexa diferente do que presenten, no seu caso, as asociacións xuvenís ou entidades prestadoras que formen parte da federación. Deberán estar inscritas, no momento de presentación da solicitude, no censo oficial dependente organicamente da Dirección Xeral de Xuventude.

b Os **grupos informais de persoas mozas** que desexen realizar unha iniciativa xuvenil e que reúnan os seguintes requisitos:

- ✱ Estar formados por un **mínimo de 5** e un **máximo de 8 persoas mozas** con idades comprendidas **entre os 18 e os 30 anos**, debidamente identificadas.
- ✱ Estar **empadroadas** nalgún dos municipios pertencentes á **Comunidade Autónoma de Galicia** no momento de presentación da solicitude e non poderá modificarse a composición do grupo unha vez rematado o prazo de presentación de solicitudes.
- ✱ Non se admitirá que unha mesma persoa forme parte ou pertenza a outro grupo ou asociación solicitante destas axudas.



ACTIVIDADE SUBVENCIONABLE

Os proxectos subvencionables deben levarse a cabo no territorio da Comunidade Autónoma de Galicia e versar sobre algunha ou algunhas das seguintes áreas de actuación:



- a** Iniciativa Xove Emprendedora, formada por proxectos que lle permitan á mocidade poñer en marcha as súas ideas no ámbito do **emprendemento** e da **empregabilidade**.



- b** Promoción de **hábitos saudables**, fomento da **actividade física** e o **deporte**, e prevención de condutas de risco ou violentas entre a poboación xuvenil, así como sensibilización e loita contra calquera forma de discriminación, en especial contra a violencia de xénero.



- c** Posta en valor e promoción do **Camiño de Santiago** e do **fenómeno xacobeo**.



- d** Fomento de actitudes **creativas** e **innovadoras** da xuventude na súa comunidade e na súa contorna.



- e** Fomento da **inclusión social** e **laboral** e da accesibilidade das persoas mozas pertencentes a colectivos con dificultades de integración ou especialmente vulnerables.



f Promoción de sectores emerxentes vinculados ao sector das tecnoloxías da información e a comunicación (**TIC**).



g Fomento da participación e do **empoderamento** das mulleres novas galegas.



h Promoción de actitudes e hábitos sustentables e de concienciación sobre o **cambio climático**, así como de posta en valor do **patrimonio cultural** e **natural**.



i Desenvolvemento e dinamización do **medio rural**.



j Dinamización da **lingua galega** entre a mocidade.



k Transmisión e posta en valor dos **oficios tradicionais galegos** entre a mocidade.



l Promoción do benestar emocional e coidado da **saúde mental** das persoas mozas.

CONTÍA DA AXUDA



O orzamento de cada proxecto non poderá superar os **5.000 euros**, financiándose a través do programa **Iniciativa Xove** o cento por cento do proxecto. Ademais, para que a falta de liquidez non sexa un impedimento para levar a cabo os proxectos, os beneficiarios poderán solicitar anticipos de pagamento de ata o oitenta por cento do importe total da subvención concedida, unha vez publicada a resolución de concesión.

Serán subvencionables os gastos que financien as actividades realizadas dende o 1 de xaneiro ata o 31 de outubro de 2025 e o prazo de xustificación da axuda estenderase ata o 15 de novembro.

SOLICITUDES E PRAZO



As solicitudes presentaranse obrigatoriamente por medios electrónicos a través do formulario normalizado (código de procedemento BS306B) dispoñible dende o **7 de maio** ata o **6 de xuño** de 2025 na sede electrónica da Xunta de Galicia, <http://sede.xunta.gal>

Máis información en www.xuventude.xunta.gal





XUNTA
DE GALICIA